



Nagsalita na si Tipaklong
Kong Sok Keng
Hin Koemyean



Sina Tipaklong, Palaka, at Kuliglig ay mahilig tumakbo at maglaro sa damuhan araw-araw.



Isang araw, masama ang pakiramdam ng mga kaibigan ni Tipaklong kaya't nagdesisyon na lamang sila na manatili sa bahay. Binalewala ito ni Tipaklong. Tumakbo siya sa labas at patuloy na naglaro.



Ngunit nang sumunod na araw, wala ang mga kaibigan ni Tipaklong sa damuhan. Hinanap niya ang mga ito sa buong paligid, ngunit wala sila. Nagdesisyon na lamang si Tipaklong na mag-isang lumipad pabalik sa bahay.



Nakita niya sa daan si Kuliglig na nagsasabog ng kemikal sa mga halaman na pinapalaki upang makain. May mga lalagyan na ubos na ang lamang kemikal at lumulutang sa kalapit na ilog.



Naisip ni Tipaklong na huminto upang batiin ang kaniyang kaibigan. Ngunit siya pa rin ay bugnot sa hindi pakikipaglaro ni Kuliglig sa kaniya, kaya't nagpatuloy siya sa paglipad.



Lumipas ang ilang araw at pinuntahan ni Kuliglig si Tipaklong.


"Saan ka nagpupunta?" tanong ni Tipaklong.

"Bakit hindi ka nagpunta sa damuhan upang maglaro?"

"Ah, sumakit ang tiyan at ulo ko. Halos hindi ako makalakad," daing ni Kuliglig.



Nag-aalala si Tipaklong sa kaniyang kaibigan.
"Maaring may nakain kang may lason.
Magpagamot na tayo sa doktor."
Tinulungan ni Tipaklong makalakad ang
kaibigan. Ngunit nung nakarating na sila sa
ilog ay nanghihina na si Kuliglig at hindi na
kaya pang lumipad upang makatawid.



Naghanap si Tipaklong ng mahabang patpat upang maging tulay. Nagsimulang tumawid si Kuliglig ngunit siya ay nadulas at nahulog! "Tulong! Mahuhulog ako sa tubig!" iyak niya.



Hinawakan ni Tipaklong ang patpat upang
subukang mailigtas si Kuliglig.
"Kumapit ka!" patuloy niyang sigaw.



Unti-unting nahuhulog si Kuliglig. "Hindi ko na kayang kumapit pa ng matagal."
Pinipilit ni Tipaklong si Kuliglig na maging malakas. "Huwag kang bibitaw! Mayroon diyan sa tubig na maaring kumagat sa iyo."



Biglang naputol ang sanga! Sina Tipaklong at Kuliglig ay nahulog pababa sa tubig. Isang higanteng palaka ang tumalon at handang lunukin sila pareho.



Saktong-sakto, nagsisigaw si Tipaklong, "Sandali lang, Palaka! Kami ito, mga kaibigan mo!"

"Ah, hindi ko agad nalaman na ikaw iyan! Hindi kasi ako makakita ng maayos kamakailan. Anong ginagawa niyo dito?"

Gumapang sina Tipaklong at Kuliglig sa pinakamalapit na dahon ng liryo. "Kami ay pupunta sa doktor. Malubha ang sakit ni Kuliglig."



"Siguro dapat sumama rin ako," sabi ni Palaka. "Nababahala na rin ako sa aking mga mata, gayundin ang aking balat ay may kakaibang pantal."



Sa palagay ni Tipaklong alam na niya kung ano ang nangyayari. Nagdesisyon siyang magsalita na.

"Kuliglig, ako ay nangangamba na ang mga kemikal na isinabog mo sa mga halaman ay nakasasama sa iyong pagkain. At ang mga lalagyan na nahulog sa tubig ay ang siyang nakasakit sa mga mata at balat ni Palaka."

Nakaramdam ng takot at pagkabagabag si Kuliglig dahil sa nagawa niyang pagkakamali.

"Okay lang 'yun, Kuliglig," sabi ni Palaka sabay

ngiti. "Itatama natin lahat. Ngunit kailangan muna nating pumunta sa doktor upang bumuti tayong lahat!"



Kapag bumuti na siya ulit, lilinisin ni
Kuliglig ang mga basura at kalat sa tubig.
May natutuhan siyang bagong paraan sa
pangangalaga ng kaniyang mga halaman na
hindi gumagamit ng mga mapaminsalang
kemikal.





The Asia Foundation



**CONSERVATION
INTERNATIONAL**

Mga Karagdagang Kaalaman sa Kapaligiran
Ang Conservation International (CI) ay para sa mga lokal na pamayanan at paaralan na malapit sa Ilog Pursat at Lawa ng Tonle Sap upang mapataas ang kamalayan sa mga isyu sa kapaligiran. Ang CI ay namamahagi ng mga impormasyon tungkol sa pamamahala ng basura, paggamit ng pestisidyo, pangangalaga sa buhay-ilang, at edukasyon sa kapaligiran upang ang bawat pamayanan ay matutong mangalaga at gamiting wasto ang mga mahahalagang yamang tubig.

Para sa karagdagang impormasyon, bisitahin ito:

<https://www.conservation.org/projects/Pages/tonle-sap-lake-conserving-cambodia-fish-factory-mekong.aspx>

Ang

karagdagang impormasyon sa kapaligiran ay ibinahagi ng Conservation International sa pakikipagtulungan sa The Asia Foundation



Suportado ng SMART



ABC+: Advancing Basic Education in the Philippines



The Asia Foundation

This book was adapted as part of ABC+: Advancing Basic Education in the Philippines project.

ABC+ is a partnership of USAID and the Department of Education (DepEd), implemented by RTI International together with The Asia Foundation (TAF), SIL LEAD, and Florida State University (FSU).

This book was reviewed by Nora J. Laguda, Education Program Supervisor in Filipino and was approved for publishing by the Department of Education Region V - Bicol Learning Resource Management Section (LRMS) of the Curriculum and Learning Management Division (CLMD).

Brought to you by



The Asia Foundation

Let's Read is a program of The Asia Foundation that supports early reading skills and habits to develop our next generation of critical thinkers and creative innovators in Asia and the Pacific.


To read more books like this and get further information,
visit: letsreadasia.org

Original Story

Nagsalita na si Tipaklong (*Grasshopper Speaks Up*). Author: Kong Sok Keng. Illustrator: Hin Koemyean. Editor: Butt Sophal.

Published by The Asia Foundation - Let's Read, © The Asia Foundation - Let's Read. Released under CC-BY-NC-4.0.

This work is a modified version of the original story. @ The Asia Foundation, 2019. Some rights reserved. Released under CC-BY-NC-4.0.



For full terms of use and attribution,
<http://creativecommons.org/licenses/by-nc/4.0/>

Contributing translators: Nita Perez, Reynald Ocampo, Marlene De Guzman, Louise Ian DL. Aquino, Soledad U. Fabian, and Jenifer Caballero